



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

X. De Relatione Conciliorum Generalium ad Summum Pontificem.

urn:nbn:de:hbz:466:1-15591

tiam Gallicanorum & Africanorum Episcoporum, potestas Romanæ Ecclesiæ asseritur, cīque plenissima executionis cura demandatur: *Dirigantur in Provinciam & ad plebem Arelate cōsistentem à te literæ; quibus abstento Marciano, alias in locum ejus substituatur.* Nulla industria Novatores hoc testimonium Cypriani elevare possunt. Futilis est enim illa responso, non deponi à Stephano Marcianum, sed deponendum declarari. Quinimo conceptis verbis Cyprianus exigit à Stephano, ut suis literis Marianum damnet, atque adeo alium substituendum decernat.

I X. Veteri consuetudini à Concilio Nicæno firmata successit Concilij Sardicensis Decretum , quo appellationibus ad Romanam Ecclesiam modus quidam est prescriptus. Galliarum Episcopi ut Relationibus suis debitum officium apostolicæ sedi antenicenum Concilium impenderunt, ita & appellationibus damnatorum post Concilium Sardicense non obsterunt. Id docet Leo I. in epistola ad Episcopos provinciæ Vienensis : *Nobiscum itaque fraternitas vestra recognoscat , apostolicam sedem pro sui reverentia à vestre etiam provincie Sacerdotibus innumeris Relationibus esse consultam , & per diuersarum , quemadmodum vetus consuetudo pescabat , appellationem causarum aut retractatarum confirmata fuisse iudicia . Quæ apud Gallias à primis Ecclesiis temporibus viguit hac in parte Romana Ecclesiæ auctoritas , locum suum etiam hodie apud nos obtinet ; redintegrato aliqua ex parte usu Concilij Sardicensis , ut alibi dicetur . **

X. Alia est Relationis species, qua Syndodi Generales utebantur, ut rerum gestarum seriem apostolica sedi per literas insinuarent; quibus Romani Pontificis consensum & exequendi curam petebant. Extant in eo genere officij, Syndodi Arelatensis ad Silveltrum, & Sardicensis ad Iulium epistolæ; item secundæ Syndodi, & sequentium Conciliorum, unde patet eo proposito missas, ut debita sedi apostolica reverentia servaretur. Quare Concilij Sardicensis Patres Relationem illam ex officio deberisatis significant, his verbis: *Hoc enim optimum & valde congruentissimum esse videbitur, si ad Caput, id est, ad Petri Apostoli sedem, de singulis quibusque provinciis Dominii referant Sacerdotes.* Orientalium quoque Episcoporum relationem synodicam de Apollinaris hæresi ad se missam ita Damasus exceptit ac si debitum sedi apostolicae munus exsolvissent. Quod testantur epistolæ Damasi ad Orientales prima verba apud Theodoretum: *Quod vestra charitas debitam*

fedi apostolice reverentiam tribuit, vobis ipsissimis Theod. lib. c. 10. cap. 7. n. 17. maximo honori est. Sed de consensu Romanorum Pontificis, qui recte etiam apud veteres Confirmatio dicitur, quatenus ne cessarius esse censeretur, alibi accurate dicendum est, & de more mittendorum fidei Decretorum ab Occidente in Orientem, & vice versa, quem Synodus Chalcedonensis commendat in Prosphnetico sermone ad Marcianum Augustum.

C A P V T X I.

Synopsis.

I. Persona Pontificis à nemine judicatur, ex Synodo Romana sub Symmacho, & ex Ennodio. Quia Romanus Episcopus est Caput omnium Sacerdotum.

Romanus Episcopus est Caput omnium Sacerdotum.
I. Eadem Ecclesie Gallicane sententia in causa
Symmachii: immo pietas major quam Romane Synodi,
ex Avito.

III. Antiqua regula, majorem sedem à minore non judicari, ex Cyrillo, Concilio Ephesino, & Chalcedonensi, & Pelagio.

V. Discussus locus epistole Concilij Romani de Damasco apud Concilium aut Consistorium Principis iudicando.

VII. Romanum Pontificem à nemine judicandum
professus est Carolus M. & ceteri Galli in Synodo
Romana. Purgatio Leonis Papa, & Paschalisi.

VII. Privilegium illud Romana sedis confirmatum ab Octava Synodo. Ioannis XIII. excommunicato reprobatum. In causa heresos & schismatis cessat privilegium.

VIII. Ecclesia Gallicana canones Basiliensis Concilii suscepit; sed Eugenii Pontificis depositione

I X. Pontifex ab Episcopis moneri potest, & sa-

X. Confessio de Episcopis, monachis, presulis, & justificare tenetur. Ex Octava Synodo, & Petro Damiani.

I. **P**RINCIP EM legibus solutum esse,
eo sensu, ut et si in leges impingat,
penis legum coerceri non possit, communi-
nis est Theologorum & Iurisconsultorum
sententia; ita ut subditi, qui de Principis
statu aliquid decernere sibi liberum esse pu-
taverint, lege Iulia majestatis teneantur. In
hunc quoque dignitatis gradum adscitum
fuisse Romanum Pontificem, Galliarum
Reges & Episcopi unà cum ceteris sepiissi-
me censuerunt. Symmacho à Clericis Ec-
clesiae Romanae de criminibus atrocissimis
accusato, & ab episcopatu per vim depul-
so, Theodosius Rex Italie cogit plena-
riam synodus omnium regni sui Sacerdo-
tum, accedente ipsius Symmachi consensu.
Liguriæ, Emiliae, & Venetiarum Episcopi